

新疆府縣志輯

中國地方志集成

光緒新平縣鄉土志

民國烏蘇縣志

光緒溫宿府鄉土志



# 中國地方志集成

新疆府縣志輯 ⑫

光緒新平縣鄉土志

民國烏蘇縣志

光緒溫宿府鄉土志

光緒于闐縣志

宣統和闐直隸州鄉土志

光緒葉城縣鄉土志

光緒昌吉縣鄉土圖志



光緒塔城直隸廳鄉土志

新疆鄉土志稿二十九種

鳳凰出版社 ● 上海書店 ● 巴蜀書社

光緒新平縣鄉土志

(清)周芳煦  
編




光緒二十五年

本書不分卷，現據鈔本之整理本影印。

光緒二十五年

編




A faint, stylized map of Xinping County serves as the background for the title. The map shows a network of roads, rivers, and various geographical features like mountains and forests. The title characters are superimposed over this map.

# 新 平 輿 地 圖

南

全縣平新



# 境與圖

一國內綠色為河道海子草地  
藍色為山黃點為路紅線為界  
合並申明  
一國內衙署從日莊屋從。驛  
站從命營從P山從m對從  
鐵草從豈渡船從日橋從日明







新平縣鄉土志目錄

歷史

政績

兵事

人類

戶口

宗教

實業

地理

境域

山川

道路

物產

動物

植物

商務

禮俗

昏

喪祭

賓

宗法

商務



# 新平縣鄉土志

## 歷史

新平縣偏在省城西南隅。相距一千三百一十里。緯線自七十六度起至八十八度止。經線自北京偏三十六度起至四十四度止。向稱羅布淖爾即蒲昌海古沮末地。周秦以上僻在荒服。無所紀聞。漢武帝使貳師將軍李廣利開通西域後。張騫窮河源。出敦煌玉門楊關。道經蒲昌。以達于闐。華人始有歷其地。後班超爲都護。控制三十六國。戊巳校尉鎮樓蘭。特爲折摩馱那國。自後城郭荒蕪興滅無常。其事略不具。隋唐之際。西突厥滅烏孫。益據南北兩路。蒲昌臣屬焉。唐開元中西突厥滅。盡爲回紇。自後訖元明。蒲昌無所統屬。皇朝咸豐同治間。魯克沁回王責貢賦於其地而控制之。同治二年回逆叛亂。南路八城均連遭蹂躪。十一年左文襄駐肅州。劉襄勤率部勘定烏垣。踰達板。追白彥虎。攘安集延。底定喀什八城。而英俄遊歷往來南疆者。絡繹羅布淖爾。光緒十一年劉襄勤撫新疆。魏午帥爲總藩。於各城辦理善後。知州黃率準設局於蒲昌。經營未久。知縣李時熙同知沈光銏相繼踵辦。又以今巴里坤鎮易盛富提督喻先達先後率勇屯戍。築城浚隍。即今之蒲昌城也。二十二年置遊擊黃桂芳以官其地。招徠撫輯。總其成於喀喇峽同知江安插西寧撫回於英格可力及孔雀河不久。回盡逃。光緒二十五年置新平縣。設知縣典史駐防。千總於哈拉洪。距蒲昌六百餘里。仍以遊擊戍蒲昌城。分卡克里克設縣丞治之。二十八年升喀喇



峽爲焉耆府改卡克里克縣丞爲令。置婼羌縣折新平夜密蘇莊隸之。隸通於焉耆。二十九年裁千總移蒲昌營遊擊駐防新平。今履址以夜密蘇河中心爲界。幅輳遼闊。昔分東西中三段。北接魯克沁鄯善南抵大戈壁。西北毗連庫車。東南接壤于闐。焉耆附其北。婼羌翼其東。西鄰輪台。廣一千六百餘里。袤一千一百餘里。其地高者多沙磧。低者多沮洳。天氣溫煖。冬少霜雪。春夏多烈風。東南之民事稼穡。西北之民資畜牧。除割隸庫車諾羌各莊現存十八莊。大者數十戶。小者或二三十戶。或十數戶不等。風氣純樸。鄉少遊惰。十年生聚。十年教訓。可與各城侔也。治無城郭。凡六里。

本境光緒二十五年置新平縣。未置以前唐虞三代時隸在荒服無統屬。春秋戰國亦係荒服。漢惠帝時爲前王庭役屬。□□爲沮末地。漢武帝使貳師將軍李廣利通西域。曾經其地。東漢和帝時屬鄯善。假司馬班超斬北匈奴使於鄯善。卽爲折摩馱那國。後城郭荒蕪。淪爲異域。由此入于闐。光緒十八年委員施再萌洋員林之美查礦務。曾於土中掘得古式銅錢。並石磨石碾等類。元明爲羅布淖爾。蒙古謂聚滙爲羅布。淖爾爲海。蓋謂聚水總滙之區。

光緒二十五年屬喀喇沙爾廳。二十八年喀喇沙爾廳升爲耆府。仍屬焉耆府。

### 政績

查新平鹹鹵充斥。地瘠民貧。利非急切可興。至於去害。民皆守分。官都畏法。地方尚無害政。民間

詞訟甚少。或有亦不過口角細故。隨時開導了結。興利除害。均無可紀。茲將設縣以來官師紀錄。知縣陳廷燦光緒二十五年七月二十日到任。湖南湘陰人。到任縣經初設。事皆創始。勤勤懇懇。民猶稱之。

劉國祉光緒二十七年四月初二日到任。湖南湘鄉人。在任修蓋克宜兩官署。治前官店以棲行旅。民皆德之。

湯念慈光緒二十八年六月十一日到任代理。四川人。

夏朝選光緒二十八年八月初八日到任。湖北黃陂人。

章守銘光緒二十九年九月初二日到任。湖南善化人。

甘象乾光緒三十一年三月二十七日到任。湖南長沙人。

周芳煦光緒三十二年十月初八日到任。湖南湘鄉人。

典史蔣元善光緒二十五年八月十五日到任。

楊汝霖光緒二十七年四月初二日到任。

李繼善光緒二十八年九月十三日到任。

王鴻業光緒三十年二月初二日到任。

甘榮冕光緒三十三年四月十三日到任。

遊擊黃桂芳光緒二十五年八月二十日到任。江南揚州人。種樹開渠。兼種菓木。遠道移來。雖鹹地難活。民猶稱道云。

歐陽福光緒二十六年十一月十七日到任。兼護湖南湘鄉人。

張春林光緒二十七年十一月十六日到任。湖北黃陂人。

劉永福光緒三十二年十二月二十日到任。甘肅狄道人。

按建寧前駐蒲昌。今改駐舞治。

千總歐陽福光緒二十五年八月二十日到任。湖南湘鄉人。

劉臣卿光緒二十七年十二月十六日到任。湖南湘鄉人。三十一年二月初一日裁撤。

### 兵事

查兵事本境並無叛黨。他境亦無叛黨來犯。亦未在境爲戰地。本境亦無險可守。

### 人類

纏回一種。散居各莊。均係土生土長。南疆纏回三世以上。即數典忘祖。其本末世系源流無可考。風俗禁食豬肉。每日五次禮拜。高聲朗誦。男阿訇頭目人等以白布裹頭。女以白布自勁及背滿披於後。生子十餘載。即分居不相顧。夫婦一言不合即反目。名曰揚掉。男自尋妻。女自招夫。朋友一分之故。動致爭鬥。歐殺。惟聽阿訇之言。餘一切別教。均不能炫其心。

### 戶口



五百一十有七戶。現增至一千有零

男大小二千五百八十口。女二千三百四十有五口。

### 宗教

天方一教。自陳宣帝大建年間。摩哈麥德創立回教。倡行西域。現在繭民實宗其教。其饒有資業者。多往麥地拿於摩哈麥德墓上膜拜。謂之朝山。還家曰阿吉。漢語善人也。人皆尊禮之。天主耶穌紅黃等教均無。

### 實業

土彼教所謂士。非吾人所謂士也。教不同文不可考究。現在一麻目毛拉阿訇均係彼教中士人。約計二三十人。

農現在各莊均皆耕牧爲生。約計二千有餘人。

工僅水匠二人。鐵匠三人。

商本境無牽車服買之人。他境亦無富商大賈至止。

### 地理

### 境域

本境在省城南偏西。相距省治一千三百一十里。

縣署在喀喇工。在府城西南。

典史衙署在縣署大門內偏西。

遊擊署在蒲昌城縣治東五百餘里。

千總署在縣署之西偏。相距半里許。今千總裁遊擊移駐此。

街道在縣治南稍東有人家四十餘戶。均茅房草舍。

本境四界。北界吐魯番。南抵大戈壁。東抵塔羌。西抵輪台縣。西南抵庫車。東北抵吐魯番屬桑樹園。西北抵焉耆。

本境分十八莊。克宜爾莊在治西北四十里。窮克力莊河拉莊特以斯上下克拉莊英格可力莊烏魯可力莊克斯拉克莊蒲昌城莊以上各莊在治東五百餘里。鐵千里克大小丘莊在治東北五百里。東河灘所屬滿加莊拉日立希莊沙羅達莊卡哈免莊蘇及克莊均在西南六百餘里。本境城莊並無古蹟坊表。治前東二里有龍王廟。猛將軍廟。距治七百里蒲昌城有關帝廟城隍廟。距城西北四十里有二道橋。相傳橋上有仙。風清月明之夜。橋上有人如所畫八仙像。行道之人多見之。未知確否。此外係獨木小橋。以免病涉云。

### 山川

飲馬河即孔雀河。相傳定遠侯飲馬於此。後有孔雀飛集河畔樹林中。故呼孔雀河云。

茂林園前遊擊安徽黃桂芳造修。後知縣劉國祉續蓋上房四楹。三四月間綠柳成蔭。棗花吐蕊。香芳襲人。登樓遠望。渠水潺潺。不覺心曠神怡。令人有涉遠江湖之想。

山本境南面有一帶行崗。即天山過脈處。逶迤百數十里。出吐魯番以達哈密。走沁城子。伏行地中。經千餘里至青山頭復出。

水。葉爾羌河又名塔里木河。在治西千餘里。自葱嶺河發源有兩源。一出葱嶺。一出于闐。河流與葱嶺河合。東流經拜城二十餘里入渭干河。又東南流迤湧水崖沙磧。逾拜城賽里木河之西南。過沙雅爾城北折而東。入於境百數十里。一抵小羅布淖爾。又東流千餘里至婁羌縣。瀦於羅布淖爾。伏行地中數千里。南出積石入於河。

英氣蓋河受葉河水入境七百餘里。流入縣屬河拉駟。注婁羌達羅布淖爾。

渭干南河源於穆素爾河。西南流經瑚斯圖托海。又南流經圖巴拉特。又東南流經湧水崖戈壁。北又經拜城。西南流入赫色爾崖入境二百里。流於東河灘。達於河拉莊。注塔里木河。尾間入於婁羌瀦於羅布淖爾。

渭干河在渭干南河之北。上游名恰陽河。下游名英氣蓋河。隨地異名。分兩支。一名鐵底里河。一名哈喀雅斯河。達於縣屬窮克力莊。注於夜密蘇莊。達於婁羌入於羅布淖爾。

孔雀河源自開都河。東北流瀦。爲大澤。曰博斯騰淖爾。又西南行五里折而入山。經哈爾喀滿溝。